

永平府志卷之八

萊陽宋 琬撰次 府學訓導徐 香叅訂

蕭山張朝琮續纂 盧龍教諭胡仁濟校輯

漕運

永平之漕運有四利荆川唐公之疏詳哉言之矣昔
潁國鎮永平月餘首建通漕之策曠代不修其後稍
一行之而遂享其利今仍置之不講使百世之規竟
淪于廢良可歎息昔郭建初志漕旁及薊州天津往
來貫穿首尾具備乃今自天啓以來之事當日檄行

永平府志

卷之八

一

郡邑已稱文卷不存無憑稽考以故一方大事而載
于篇者僅寥寥數語豈非古今人之不相及而留意
斯民者之鮮乎又何怪夫慮始之難圖而長利之不
建也嗚呼豈獨西門豹哉

魏太祖征蹋頓從洵口鑿渠逕雍奴泉州以通河海

此京東通

始
運之

趙石虎代燕具船萬艘自河通海運穀千一百萬斛于樂

安城

卽今樂亭縣

唐神龍二年姜師度爲河北道巡察兼支度營田使好興

作溝洫之利于薊門北漲溝以限契丹循魏武故迹並海
鑿乎鹵渠以通餉路避海難民咸利之此鑿渠罷海運之
徵也然魏武故迹水經新河故瀆謂之鹽關口與洵俱導
以通河海者東北絕庾水今稱還鄉河又東北出逕右北
平絕洵渠水今薊州運河也然師度所修者洵而不及庾
及新故久廢無存矣

開元二十五年二月戊午停河北運而海運尋興

二十七年六月癸酉以御史大夫李適之兼幽州長史知
節度使事尋增領河北海運使

永平府志

卷之八

二

二十八年分盧龍石城二縣地置馬城縣通水運幽州刺
史領之

遼太平九年三月戶部副使王嘉靖造船募習海漕者移
遼東粟餉燕水路艱多致覆沒民甚苦之

元會通河初開岸狹水淺不能負重歲不過數十萬石故
終元之世海運不罷焉其並海通河者自三岔河有三道
一由直沽經白河至通州一由娘娘宮經糧河至薊州一
由蘆臺經黑洋河蠶沙口清河至灤州薊載于唐書通昉
于金史元河渠乃及灤是灤之漕岔河東道若善導之自

遼西右北平無不可通者考宣寧志有奉聖劉雄任灤潮二河運糧萬戶潮且運矣况于灤乎但漕上都則難中統間因陸運之費乃從姚演言勢不可遂止而併可漕者廢之但資造船之役焉

至元十七年正月戊辰賜開灤河五衛軍鈔

十九年四月壬寅勅灤河造官車給糧費五月庚辰造船于灤州發軍民合九千人令探馬赤伯帶領之伐木於山及取于寺觀墳墓官酌其直仍命桑哥遣人督之九月壬申勅平灤高麗耽羅及揚泉等州造大小船二十艘

初造車以

永平府志

卷之八

三

陸運尋造船以備漕也

二十年正月庚午以平灤造船去運木所遠民疲于役徙于撫寧之陽河從之三月己未御史臺臣言平灤造船五臺山造寺伐木及南城建新寺凡役四萬人乞罷之詔伐木建寺卽罷造船一事其與省臣議五月己未放造船軍歸農撥大都軍代役

二十一年十一月戊子命北京宣慰司修灤河道

爲將漕也

二十八年正月癸卯上都民仰食于官者衆詔傭民運米十萬石致上都官價石四十兩命留守木八刺沙總其事

九月姚演言奉勅䟽灤河漕運上都取沿河葢露困工匠雜物仍預來歲漕船五百艘水手一萬牽夫二萬四千省臣等集議近歲荒歉凋弊造舟調夫並行必困請先造十艘量撥水手試之果便續增制可先以五十艘行之仍選能人同事將挽舟踰山而上至開平郭守敬視之不可乃止

大德七年五月甲寅濬上都之灤河

史灤河源出金蓮川中由松亭北經遷安

東平州西瀕灤州入海此所濬者其上流也

延祐五年四月庚戌遼陽饑漕十萬石于義錦州賑之

永平府志

卷之八

四

明洪武三年正月甲午令中書省符下山東行省募水工于萊州洋海倉運糧以餉永平衛

八年五月己巳遣潁川侯傅友德往北平備胡䟽陳五事一轉輸之法宜令河間軍自長蘆運至通州北平軍自通州運入北平則民不勞而事集矣又永平府民接運軍儲由鴉洪橋至永平道里頗遠宜通清河灤河故道漕運則用力少而成功多矣上嘉其言尋召還

永樂二年令海運船裝運于小直沽起蘆囤三年令天津

造露囤

舊志新橋海口設永平衛千戶一員軍丁十名監守開猪土城周三里露囤百三十座或是年以後

而舉
矣

十三年為會通河成又造淺船三千餘隻一年四次從裏河轉漕遂罷海運獨薊州軍餉遮洋海運如初

宣德三年令行在戶部差官以九月終發永平府屬縣民及東勝諸衛軍兼運林南東店糧于遵化城南供給官軍

灤舊志永樂十八年偶因傷船革運又云宣德初者觀此言宣德有因矣

正統七年令南京造遮洋船三百五十隻給官軍由海道運糧薊州等倉

十三年遮洋船運糧由直沽以東三汊河過赴林南東店

永平府志

卷之八

五

等倉交納

天順二年三月以海口新開沽與近州之奪水沽正相值中間隔陸地十里遂命鑿通凡役萬人十三日功成

成化十七年管糧郎中鄭廉奏言豐潤還鄉河可通漕永平東盈倉可移置而海運之粟可分貯以便永平山海之

餉上可之賜名豐盈倉

由庾水還鄉河東導陡河抵沙河通陷河而及青灤庾小非灤所通

沙河淤濫是以隨行隨止不一二年壅塞如故

弘治初議發軍夫萬人鑿河四十里以免海運每三年一

挑濬

會計錄自小直沽口至薊州四十里避直沽渡海之險云在天順二年

嘉靖初定額夫八千名二年一次令工部官一員會同巡按御史及天津兵備督工挑濬

三十七年巡視郎中唐順之條陳薊鎮事宜一欵臣至薊鎮始知聖明念遼人之饑弛海禁運米賑之恩德甚厚遼東海運既通則薊鎮已包在內永平故運之復寔惟其時但薊鎮之人素不習海一遇蹉跌遂爲懲創請以厚直募東南海濱之人與直沽久慣海商造爲海船人慣船牢自然利涉又薊鎮東西無處不有巨川上通關塞下流通海而未嘗有一葉之舟問之士人則曰淺灘峻石怒水暴漲

永平府志

卷之八

六

蓋臣嘗往閩浙見閩浙人行舟石罅中屈曲無礙或拖舟碎石之上亦不畏淺也至于水之漲緩有時水漲停運水緩通漕亦何不可前人未暇經理者特以地在窮荒不欲費財力于無用非果不可行之故也今密雲古北喜峯諸口皆屯重兵則聚糧不得不多聚糧多則咽喉不得不利河道之通亦惟其時縱不能通潮河于古北通灤河于喜峯而潮河可通密雲省陸運五十里則先時總制楊博疏稿具存經理亦密灤河自永平可通灤陽營省陸運一百五十里則戶部郎中羅廷紳嘗爲臣言之且永運一步亦

省陸運一步脚價卽以異日脚價所省扣爲今日䟽鑿之費募閩浙之人造閩浙之船以教其土人河功一成蓋有四利邊城積粟豐凶有備土嬉馬騰此一利也官漕旣通商舟亦集昔時荒野遂成賈區此二利也穿渠溉田礪瘠之地淤爲沃壤此三利也渠澮滿野因成水匱制限胡騎不得突越此四利也不然則鄴水在旁而不引此西門豹之所以爲笑于史起也是後巡撫溫景葵巡按孫丕揚梅惟和各䟽請之

隆慶元年巡撫耿隨卿議覆據知府楊逢節勘覆行永平

兵備副使沈應乾會勘間巡按御史鮑承蔭巡歷永平將灤河徑通海道併勘會巡關御史吳逢春議燕河營石門寨二路主客官軍及各將領標兵家丁計三萬餘每歲本折色各半年淨米幾二十萬除民運二分其餘俱屬州縣召商買納而府境邊山邊海鹺薄荒沙若遇歲凶赤地千里則通漕爲未然之防不可不爲之所也原議挑挖青河自王家閘至新橋海口止凡百四十里乃漕運故道續據通判蕭以成勘稱由府城西門起計灤河海口至天津衛四百二十六里紀各莊通海潮處至府西門一百五十四

里沙淺一十八里半合將原編修河人夫免赴新河但遇
運船到海口輪班剝船扒濬若一年通運後夫數有餘量
爲減省蓋不費錢糧不假軍夫而事可濟也原議丹委州
縣正官駕舟試驗海道果否往來無阻府委樂亭縣知縣
宋國祚勘海道自天津衛至樂亭縣新橋海口不但鹽船
往來而民船亦通行無滯海洋百二十里雖恐中流遇風
有建河糧河新挑大沽小沽可避必無虞也原議運河故
道地勢低窪宜用閘壩今改由灤河直抵海口一應閘壩
官吏不必增添但糧船至海口須易輕便船隻仍於紀各

莊建倉房二十間暫卸糧石永豐倉應添修倉廩二十間
官攢斗級原有額設無容別議惟紀各莊暫貯倉房行縣
委官看守海運船約造十五隻河口撥船約造六十隻倉
船通該物料工食銀四千四百五十兩合子巡按贓罰銀
四千兩扣留如不敷將巡關贓罰補湊其船撐駕必須灤
州樂亭昌黎附海捕魚裝載慣習海道人民酌量人丁身
家坐派大船八名小船三名各領官船糧令其駕運糧完
聽其捕魚如年久損壞動支官銀酌量修補則改灤河省
便無容別議但中間倒載之所未免間隔如海口卸至紀

各莊約有二里灤河卸至永豐倉里亦如之船運脚價臨
期聽管糧郎中處給其該鎮歲用本色軍糧數多運道既
通則前項糧石應該戶部酌派漕運然山海離灤僅二百
里私越易便則海防不可不謹合令府清軍同知兼管海
防仍聽兵備道督率巡視及山海主事督巡捕把截違禁
如律部覆從之御史劉翹題海道險阻而罷

萬曆二年二月守備李惟學勘稱漕道前歲雖議復開不
諳水勢輒就灤河末流通海是非知運言也今勘灤河西

岸王家閘

大水劈心灘至分出支河三百八十四步計地凡八分支河西岸王家閘至蔡家營九百七十

永平府志

卷之八

九

步凡二里七分 蔡家營至許家墳一千三百步凡三里
七分 許家墳至南閘八百三十步凡三里 以上共計
十二里六分皆先年運糧故道雖年久淤平白地河迹見
存挑濬不可徑投灤河須隔灤河西岸往南順崖船行至
北復南度無衝徑之虞 翟家莊至龍堂橋一千四百步
凡三里九分流水半尺溝河 龍堂橋至煖泉八百步凡
二里三分濶一丈或五尺水深一尺 煖泉至破橋王家
莊二千二百步凡六里一分濶二丈深一尺 王家莊至
李家橋獅子營至套里莊高廟橋二千步凡五里五分濶
三尺 獅子營至套里莊高廟橋二千步凡五里五分濶
二丈五尺深三尺 套里莊橋至沙溝店一千六百六十
步凡四里一分濶二丈五尺深三尺 沙溝店至宋家莊
橋一千四百七十五步凡四里一分濶二丈五尺深三尺
宋家莊橋至翟坨莊一千一百八十步凡三里三分濶
二丈五尺深三尺 翟坨莊青山河費家橋土兒莊一千
二百二十步凡三里四分濶二丈三尺 土兒莊由武
家營羅各莊至廣東營一千八百二十步凡五里零半分
濶三丈深三尺 廣東營由北高東高南高等莊至高各

寺莊二千八百八十一步凡八里濶三丈深三尺高各
莊由焦家莊高各橋至潘家莊三千四百步凡九里四分
濶二丈深二尺潘家莊至麻灣里一十九百五十步凡
五里四分濶三丈深三尺麻灣里至公安橋一千九百
五十步凡五里四分濶二丈深三尺公安橋至韓家道
口九百三十步凡二里六分濶三丈深二尺韓家道口
至莊坨營一千四百八十步凡四里濶三丈深三四尺不
等莊坨營由白家營至廖指莊三里濶四百步凡九里四
分濶三丈深三尺廖指莊由杜家務至劉石莊一千九
百步凡五里三分濶三丈深三尺內一段三角灣長三十
步深丈餘劉石莊至閣兒坨橋一千六百步凡四里四
分濶四丈深三尺閣兒坨橋至陳家莊小河口八百七
十步凡二里四分濶四丈深二尺陳家莊至鄭家莊橋
九百九十步凡二里七分濶七丈深三尺以上共計一
百一十里翟家莊以下暖泉雖有水溝細流不絕而不能
成河仍用挑挖乃可自暖泉以下大洋數處番湧成河尚
廣至鄭家橋迤南水勢漸大十里許與沂河合流為青河

永平府志

卷之八

十

為銅幫鐵底但河身稍窄畧加開濶為易鄭家莊橋
二東新莊八百步凡二里二分濶八丈深三尺東新莊
至石角坨橋一千三百步凡三里六分濶八丈深四尺
石角坨橋至馬營巡檢司八百步凡三里二分濶八丈深
五尺巡檢司由新橋觀音寺套里莊至下馬坨四里
下馬坨由灣坨至楊家廟三里楊家廟由烟墩至海十
里以上鄭家橋至海口共地二十五里俱通潮水深濶
俱六七尺不必挑濬惟海口漫散畧加扒挖舟楫無阻

自王家閘至海口通百四十五里其河岸或高低三五尺

不等無岸間亦有之由海而直抵天津矣時不果行知府

孫維城復議海運故道直捷而所經蠶沙綠洋各口蠣房

山十九坨險島有風濤之慮舟楫多被損失故道之所由

廢此國初既通旋罷今誠難議復也其通蘆臺漕河無危

然必從白場兔兒坨上下挑出道路迂紆四五百里中多堆沙難挑易塞不惟工大財詘抑且徒勞無益民則懲咽而廢食官以覆轍爲畏塗矣因委武學科正王弘爵博訪詳度據稱自灤州王家閘起引灤水入清河導入王塚坨河再導使由艾家青溝下接靳家河以通交流河進黑洋海口經建河堂兒上百有十里復出大沽海口入通州運糧河而上天津地理近工費省間雖有百餘里行海然鹽船乘潮往來不聞有覆溺足知無虞詢之于衆皆言挑此比舊二議爲便本府乃躬視灤州迤東二十里馬城堡西

爲王家閘其南閘相距十里原係海運入灤故道嗣因運罷久湮遂成平田而閘迹尚存南閘頭六里至龍堂橋北有細泉或伏或見成溝僅一丈不堪載舟是清河小發源也再二里有煖泉混混南流漸遠漸大是清河大發源也濶二丈或二丈五尺深尺半或二三尺三四尺再八里許則沂河自五子山西灌之其流益大益深矣濶三丈或二丈五尺深堪通艇又二十里陷河貫之水不甚大又三里至歇家橋又三里半至土兒社李家莊其深濶與上等然不免從此南趨綠洋口入海原運皆由口北上家閘今馬

頭營固其舊囤倉處李家莊迤上河原寬淤填其半而岸有曠地其西半溝半道相雜民田約十數里過卽王塚坨河無源灤河漲入青不能容必從李家莊西瀉遂下注之加以秋露泊湖等港諸水輳集故爲極濶不減二十餘步雖中間淺斷不一而深處爲多詢土人老者皆言自幼未見其涸今春深三四尺夏秋旱甚始消是深者常而涸者暫也且灣環曲直自樊各莊起而高廟莊而曲荒店而磚窰店而馬孤塘而賈各莊而狗兒村而印步店凡四十餘里至楊家莊亦南趨海莊南有沙坨長一里高河五尺若

穿之卽艾家青溝東西長七里間或荒或田深如溝十歲九渰今旱始涸其地多無錢糧民視之不甚惜堪濬爲河過梁各莊而靳家河流經焉其初甚微出四里至黃沱濶一丈五尺又五里至雙坨濶三丈又六里至栢各莊濶六丈皆沒胸堪載大舟稍南散漫三股濶里許中股五里盡至長坨竈濶一丈若束三股併流濶當數丈矣凡鹽船泊交流河者可望相去五里其源本相接因鹽丁不便往來遂塞使不通河名交流者由海潮而成故微有五里淤淺外則大潮所至橫斜行七十餘里入黑洋海口又三十里

則建河海口又四十里則堂兒上海口又四十里則大沽海口出口入通州運糧白河百餘里天津衛矣是此道一
通不過三百餘里舟可徑天津抵灤比西由蘆臺河其道
豈但倍近且惟黑洋海口至大沽百十里由海隨鹽船出
入當保無他虞比由綠洋海口造灣其遠近險夷安危亦
不啻十百相懸焉中間應挑之處計大費工力者不過交
流河接靳家河五里黃坨抵艾家青溝十二里李家莊抵
樊各莊十里煖泉抵南閘頭八里與夫王家坨河之經楊
家莊印步店狗兒村賈各莊土淤高厚者十二三里耳其

餘或止應挑深五六尺七八尺濶五六步七八步者約以
河五丈計之論工大小折半通算濶三丈深一丈者總不
過百三十餘里耳工固不甚多也况下因川澤不損民居
妨田不及五頃其價未足百金驗河所經惟李家莊西有
沙三里楊家莊南有沙一里其餘俱土脈膠固無憂其善
崩河之所自若煖泉若沂河若陷河若靳家河俱水性如
常可弗苦其變遷則語有利無害又孰以踰乎此惟王家
閘一處議者每言挑接灤河雖便通舟然灤河西下平岸
一丈八尺焉能使之逆流而上入清河哉旦灤暴湍常帶

沙石漲則閘不能制退必遺沙填積將來歲挑 費恐反
爲青梗莫若挑青至馬城本堡方議修壕以壕土築城而
借壕爲河使可容數十舟南來運艘俱住此焉雖隔灤尚
五六里道不甚多且平坦便車至灤易舟而運則青不受
沙石擾而挑夫可省歲費似于計兩便也誠于可挑者挑
之可因者因之而李家莊楊家莊南岸各築大壩一道以
阻清河併防順王塚坨河入海量置涵洞備大水宣洩使
青之水盡入王塚坨接靳家河之所置閘設夫守之潮至
則啟退則閉又于煖泉上亦置閘以蓄上流細水則水常

足舟可輓行天津之運餉無不順下于灤矣由灤而北運
建昌太平西運灤陽漢莊陸轉喜峯松棚三屯附近營路
東運桃林等口其水路皆可次第畢通豈惟沿邊兵食足
卽州縣衛歲從豐歉粟有出入商舶百偵輳集而永變富
饒之區矣况遼東海運常苦損舟若永平運通則由府城
而車至山海或舟車至遼東皆免風濤之險其土餉尚亦
有賴是所謂無窮利也合行各路客兵應修邊工暫行停
減或量分主兵代修而移其衆以濬河計名限日畫地分
工若尚有不足則量加民夫三四千佐之仍委賢能有司

分督則衆力競勸可不月而成無煩奏請無費帑金於客兵未爲重勞于邊方實爲永賴矣按弘爵議建閘六處以驅灤水入清河則王家閘當復舊而今惟達于馬城復唐之舊規則此閘不復置其云驅青河水西通曲王店歇駕橋當置閘驅王塚坨水通梁各莊河印步店當置閘三水皆會于海河之下流稍各莊當置閘今議于李家莊楊家莊各壩而函惟于接靳家河閘之而于煖泉上置閘蓄焉是皆要領肯綮矣然弘爵云海邊潮河自蘆臺南旱沽子起東行三十里至大坨可通巨船坨東北四十五里由椿

永平府志

卷之八

十五

樹溝高家莊至李家莊通于建河下稍順河東北行十里至碓臼兒又東十五里至于家沽入黑洋潮河則黑洋河海迤西全用建河上稍遷安豐潤所滙白場之水每年積聚不涸今開漕當閘碓臼兒束水東入于家沽以接黑洋河閘李家莊使水西通大坨接旱沽子是東爲李家莊壩西爲李家莊閘中間宣洩合宜尤爲萬全之計也視之沙河旣省而于海運故道其挑濬之費相當且獲避螻坨之險當路不爲國爲民則已如爲之當決策而從事矣

以上
采取

自萬曆年間議開漕通海未行而罷至天啟崇禎間因添設沿邊兵馬需糧甚多清河卒難挑澹乃從海運由天津航海三百餘里至樂亭縣劉家墩海口入灤河二十五里上至銀夯柳倉交卸改用河船運至府城西門外盤入永豐倉計水程自銀夯柳至府西門百八十里春夏秋三時水運至冬冰堅難行設陸運車夫自銀夯柳輓輸永豐倉海漕既通商舟乃集南北物價亦賴以通荒瘠之區稍變饒腴若云海道風波險阻乃行之幾二十年未聞有覆溺之患此海運可行之明驗也至順治初年邊圉無警兵衛日削需糧不多海運遂廢而沿河倉房因歷年不行修葺坍塌無存其樂亭劉家墩海口爲登萊津遼海道極衝崇禎年間設海防一營駐劄汛防今革

本府行各州縣查據灤州回稱明季漕運規則並無卷可查其城北倉房三間因先年大兵扎營俱經燒毀盧龍回稱查得城南虎頭石離城八里因河道通銀夯柳海運于明季萬曆年間修造倉廩堆貯糧料以脩軍需因屢遭兵火坍塌無存漕運規則無卷可查昌黎回稱明末之時有海防五城兵馬住劄本邑索餉鼓噪衙役四竄文案無存無憑稽查樂亭回稱漕運卷案明季時俱在永平戶部經理並無卷案在縣今蒙行查詢諸舊時父老據稱樂亭海口自劉家墩上通灤河自海口至銀夯柳二十五里銀夯柳至府水程一百八十里劉家墩至天津海口三百餘里明季時北邊關各口上多設防兵需用糧米特設

戶部專理兵餉照經制額定官兵請撥漕運其糧米	由天津航海運至銀斂柳交卸先時未建倉廩糧米	俱是露囤至崇禎三年兵多糧增蒙戶部發銀到縣	起建廩房二十七間戶部委官收貯春夏秋由灤河	水路運糧至冬河凍陸路輓輸歷年灤河水發廩房	坍塌無存劉家墩海口係登萊津遼通路崇禎六年	間分山海海口營兵將駐防所食糧餉是截留戶	部項下米糧等語撫寧回稱海運漕糧明季時事屬	餉司經管原不由縣再查倉房基址于崇禎四年離	縣城四十里在南戴家河創建房二十四間貯積戶	部海運經今年久頽壞不堪止有檣木豎架不堪貯	用其天啟四年并崇禎三年文卷已經兵火無存
----------------------	----------------------	----------------------	----------------------	----------------------	----------------------	---------------------	----------------------	----------------------	----------------------	----------------------	---------------------

鹽法

余嘗覽彭惠安公鹽政之圖而知竈丁之苦固天下所同也永平僻在一隅獲利既尠行鹽亦窄非若江淮之間通都大邑可以致百萬之贏而濟軍國之亟故鹽以票行課以包納舊制相沿上下均便 新例召商中鹽納課竈戶入鹽于商商轉發賣近因戶口日繁加增引課而奸民私販案牘累累商亦困乏課常逋欠豈運會使然耶昔武皇權制用孔僅之籌昭帝深仁采文學之議此亦地方疾苦之一端敢不謹

永平府志

卷之八

十八

書而備錄之乎

管子齊有渠展之鹽燕有遼東之煮迺下令北海之民無得庸聚而煮鹽其割無棣北予燕乃遼西地皆北海民也後魏永興間遷鄴始置監鹽官太傅清河王懌奏于滄瀛幽青四州境傍海煮鹽皆計竈有額幽州一百八十青州五百四十六

唐置鹽鐵官在河北劉守光僭燕置蘆臺軍于海口鎮後唐同光中趙德鈞鎮幽州置鹽場及榷院謂之新倉
遼太祖天贊二年徙石城于灤州南以就鹽官

太宗會同元年晉獻山前地遼遂有煮海之利海陽陽皆平州鹽地也五京計司各領其地煎取之

金世宗大定三年權鹽院置使司設副判官管勾

十一年十二月罷平州椿配鹽課

十三年二月罷平灤鹽錢

元憲宗七年平灤路達魯花赤阿台請蠲銀鹽酒等稅課八之一而細民不征

世祖至元四年八月辛酉申嚴平灤路私鹽酒醋之禁

二十四年置灤州四處鹽局

永平府志

卷之八

十九

武宗至大元年四月戊戌以永平路鹽課賜祥哥吉剌公主中書省臣執不可從之

明洪武二年正月戊申置河間長蘆都轉運司郡之四場隸之曰濟民曰石碑曰惠民曰歸化其鹽法竈戶自備器皿煎煮每丁歲辦鹽四引地每畝辦鹽一十六斤車一輛辦鹽二百斤牛驢每頭辦鹽一百斤

五年五月戊辰命戶部募商人于永平衛鴉紅橋納米中

鹽

十四年三月癸卯戶部奏定永平中鹽法凡商人于永平

輸粟一石二斗者給淮鹽一引一石一斗者給浙鹽一
四石者給河間一引從之

十七年正月辛亥定河間鹽工本鈔八百文爲一貫引必
由分司批驗其無引者爲私

批驗所二分南北府境四場之引徑北批驗所居天津之

小直沽距分司三百三十里使司二百四十里

會典並列
于滄州分

司後
誤

巡檢司舊制不隸運司隆慶三年總理都御史龐尚鵬題
准各附近巡司悉聽運司節制每季緝捕私鹽俱令赴司

永平府志

卷之八

二十

倒換循環而有責成于是樂亭縣新橋海口巡司遂屬運
司矣其弓兵雖有額設若贅旒焉後移巡司于灤州榛子
鎮而新橋之司遂廢

其場官元制每場設司令一員司丞一員明制每場設大
使一員副使一員今因之郡之四場無副其大使俸米本
折濟民于灤州石碑于樂亭惠民于昌黎歸化于撫寧支
之

其四場之境濟民則距分司七十里使司五百七十里南
濱海東極潮河接石碑北至倭城灤州境西跨運河連越

支延亘百三十五里中鹽坨三東曰青坨中曰孫家林坨西曰十九圈坨堡三曰東曰中曰西煎灘八處竈房八間淺鍋五十四面草場四處大泊口劉家河海家井兔兒頭石碑在濟民東七十里距分司一百四十里使司六百四十里南臨海東接樂亭界之石各莊北跨永平之南河西抵劉家河廣百七十里中鹽坨三曰石碑廠曰馬城廠曰如何廠堡五曰劉家林曰王家莊曰大灘曰羊欄坨曰如何灘俱在場南竈房二十間淺鍋五十七面草場一處東至大海南至桑坨西至劉家河北至本場

惠民在石碑東一百五十里距分司二百九十里使司七百九十里南濱海東南至洋河海口西連石碑接昌黎境北至龍王廟周二百二十里中鹽坨三曰官莊曰蒲河曰團林煎灘三處竈房四十間淺鍋四十面草場一處共地五頃

歸化在惠民東南一百四十里距分司四百五十里使司九百五十里東抵山海關西北連惠民接撫寧境南臨海接秦皇島延二百里中鹽坨三曰東曰中曰西堡三曰東曰中曰西灘倚山蕩麓竈房二十間淺鍋二十面無草場

煎時買山柴

鹽有煎晒二種晒易而煎難晒宜南而北則煎風氣殊也其煎法擇鹹地畚鍤起之攤晒候乾乃實土池中以水浸淋而滷滲之投以石蓮子驗其浮沉須蓮子浮立滷面乃可入鍋沉則滷淡不可煎矣投滷于鍋熾薪于竈滷乾鹽結隨乾隨添必鹽至滿鍋乃起鍋有大小不等每鍋可煎數斗有至石者然必資于水草故必冬窖冰秋積草而春有淋煮之勞夏復謀食而耕晝作而夜候潮蓋四時無寧晷焉既計時而事遂計竈而課戶無虛口歲無虛時困苦之極逃亡者半矣

嘉靖八年御史傅炯奏長蘆濟民石碑惠民歸化四場離小直沽批驗所寫遠外接境山海等關舟楫不到商旅不通商引支掣實難丁課倒燈相繼商遂棄引不返先年准納布價至今商竈稱便合將四場竈丁每引改折銀一錢解司給商收置勤竈餘鹽以原中之額是亦疏通之法

也從之

濟民場供用七十四引一百四十九斤十四兩 折價三千二百一十五引一百七十五斤九兩四分 折布三千二百九十引一百二十五斤七兩四分徵價二百一十三兩八錢九分六毫四絲

石碑場供用一百一十三引一百四十九斤 折價四千一百一十五引一百五斤九兩六錢 折布四千二百二十九引五十四斤九兩六錢徵價二百七十四兩九錢二厘五毫六絲九忽五微

永平府志

卷之八

二十三

惠民場供用三十九引一百六斤 折價一千五百四十二引一百九十九斤十兩四錢 折布一千五百八十二引一百五斤十兩四錢徵價一百二兩八錢六分四厘一毫四絲六忽一微二纖五塵

歸化場供用四十六引四十九斤四兩九錢 折價一千三百十五引七十二斤十一兩一錢 折布一千三百六十一引一百二十二斤徵價八十八兩五錢四厘六毫五

絲

其白鹽形散色潔以上供內府及藩府京 此惟正之供

也外本色以給商及布價折價俱徵于總催而場官督之
驗實以通關是歲事之成也其雜征乃戶口鹽鈔原額本
折二項嘉靖六年改本色每貫折銀一釐一毫四絲三忽
折色每貫銅錢二分每七文折銀一分 濟民場本折各
二千六百四十三貫共折一十兩五錢七分二釐 石碑
場全上 惠民場本折各一千七百七十貫共折七兩八
錢 歸化場本折各一千六百七十七貫共折六兩七錢
厘 隆慶四年御史蘓士潤奏准自五年起各場鹽鈔
盡數豁免永罷追徵

其黑土課米惟近海數場有之乃刮取黑土淋煎成鹽工
力極省但苦海潮往來遂廢不煎舍鹽而漁洪武三十年
查近海場戶船共辦黑土課米永樂元年增戶加米嘉靖
二十九年改課米爲折色每石折銀五錢赴司經解官司
納完給批關銷照濟民七石三斗石碑五石五斗五升惠
民四石六斗並解永平府界嶺口倉
其祇候馬夫力役之征各場逐年計口派徵皆令總催輸
司每口派銀一分四厘一毫五絲五忽六微濟民銀十七
兩八錢六分四厘三毫六絲七忽一微石碑銀二十兩三

錢八分四厘六絲四微惠民銀八兩八錢八分九厘七毫一絲九忽八微歸化銀八兩七錢一分九厘八毫四絲九忽六微此解司之數也其門庫皂快水手各工食每名九兩六錢石碑六人濟民惠民歸化各一人皆計口派而自取之

行鹽地方以課之多寡量地之遠近分界立制不許越境攬賣違則具有律例嘉靖三十九年戶部定派永平三千九百十八引分屬州縣灤州盧龍各一千八十九引遷安撫寧昌黎樂亭各四百三十五引官立循環簿記買過引

永平府志

卷之八

二十五

鹽并水程期限按季送鹽院稽考隆慶五年鹽院議額派商引因邊境不通商賈故將鹽引酌量州縣大小計里分引每引納銀一錢題准減派爲一千引灤州七百遷安一百盧龍昌黎樂亭撫寧各三百引共納引銀二百兩又于丁口食鹽每百斤抽納稅銀一分五厘共多銀一百六十餘兩本府印票發州縣填給賣者如數納課按季解司灤州一百二十三兩六錢六分遷安五十七兩七錢二分二厘四毫昌黎六十兩三錢樂亭六十二兩八錢四分六厘撫寧二十九兩八錢七分一厘八毫盧龍二十五兩三錢

八分以上共三百六十兩七錢八分一厘二毫至次年
加銀及六衛共五百兩爲年例灤州加十四兩遷安加十
兩二錢一分八厘八毫昌黎加十兩樂亭加十二兩撫寧
加十五兩盧龍加八兩共六十九兩二錢一分八厘八毫
六衛共加七十兩俱州縣衛分納至萬曆三年將附郭一
縣三衛之課歸之稅課司府給號票每張納銀六分各衛
具領送縣投府而發司如數給領縣徑解運司若羨入之
府庫登循環簿其外二縣有衛各附縣至十七年山海亦
歸之撫寧爲之代徵解焉

其不附衛者三灤州樂亭昌黎無代徵解其附衛者三遷
安代解興州右屯衛十兩撫寧代解撫寧衛十二兩山海
衛十三兩盧龍代解永平衛十一兩盧龍東勝左二衛各
十二兩

通計六屬六衛每歲包納課銀五百兩官給小票行販納
錢于官自行買賣法至便也自嘉隆以來通行無滯以至
新朝仍沿舊例順治四年戶部奏立畫一之規因天下各
司俱有鹽商惟順保永三處無商遂題奉

旨改引招商時綱商武國臣張希穩赴部認商納引乃以

州縣戶口之多寡定額每丁歲食鹽十斤四兩府屬共定五千八十六引每引歲納銀二錢六分至十三年以兵餉不繼每引加銀六分十六年又加八分計舊額新增每引該銀四錢計府屬共該課銀二千三十四兩四錢云直屬俱食晒鹽惟永郡無灘可晒獨食煎鹽然接壤既產晒鹽不難運銷而永平四場所轄竈戶甚多竈丁錢糧亦復不少皆藉煎鹽供賦故不能罷煎運晒前朝無綱商乃土著豪橫者爲之 國朝初仍舊制自順治四年戶部奏請革去土商改引歸綱增引至五千八十六道順治十七

年准御史高而位以 畿東鹽法壞極等事調奏議增引至六千六百八十七道因鹽細如麵不能築包則不能秤掣且係零煎零賣無處拉運是以按引包課時澤州衛天裕認商辦納至康熙十七年准御史傅廷俊調奏遣司官石住查永屬丁冊生齒日繁遂依按丁銷引例又增引六千四百六十八道永平六屬及山海一衛附撫邑帶銷新舊共引一萬三千一百五十五道衛天裕告乏引同鄉王御世克認照引辦課其價奉撫鹽兩院酌定每斤一分二毫然永屬俱係錢樁今錢價日低較前僅得官價之半於

是乎商病而課亦拙康熙四十四年因薊商牽累於發審
案內經本府承審議革舊用升斗改用筐籃以杜輕重手
之弊復增新引五百七十二道通共新舊額引一萬三千
七百二十七道奉守巡兩道會詳撫院題定在案每引止
銷二百二十五斤大例加耗五斤以二百三十斤爲一引
每秤二十三斤十秤合爲一引查津鹽每引例銷二百四
十斤永鹽因不築包秤掣故減去十五斤然視本郡之明
制竟減至五十五斤矣

向每引歲納銀二錢六分自康熙十三四年起節次加增

永平府志

卷之八

二十八

今每引歲額銀四錢二分三厘六毫四絲五忽三微八纖
從前土商行鹽類多豪橫商橫勢必病竈又但知行鹽吝
於納課州縣爲之賠累抑且病官故戶部有革土招商之
請自歸綱增引之後辦納維艱而竈戶又有措勒長支之
弊商爲之困至煎燒全賴柴草近因潮水屢沒草灘購買
供煎竈戶更得藉口以致竈價頻增商困益甚現今招募
四年絕無殷良承頂大槩可知

永平偏處東隅形如牛角西接晒鹽煎粒不能出境南臨
大海官鹽無可銷之地而奸徒常以大船裝載跨海而來

屢捕屢犯東抵關門關外無引之鹽時有夾帶北連邊口
口外燧鹽販徒偷進是以案牘累累蓋因前之司土者視
爲無關痛癢遂致肆行克斥夫鹽政之設 國課攸關雖
本府嚴飭緝懲近稍斂跡然今日鹽法之壞更甚於前惟
俟主鹺者設法挽回耳

永平府志卷之八終

永平府志

卷之八

二十九